

Evening Dogri (NSD) Bulletin 05-10-2024

आकाशवाणी

खास खास खबरां

- 1 प्रधानमंत्री नरेन्द्र मोदी होरें आखेआ जे सरकार खानाबदोश जनजातिएं ते समुदायें दे विकास लेई वचनें बज्झी दी ऐ।
- 2 पूर्वोत्तर क्षेत्र छड़ा इक खित्ता गै नेई बलके संस्कृति परम्परा ते कुदरती शलैपे दा ताना-बाना ऐ आखेआ उपराश्ट्रपति जगदीप धनखड़ होरें।
- 3 विदेश मंत्री डॉ. एस.जयशंकर होरें आखेआ जे शंघाई सैहयोग संगठन शिखर सम्मेल दरान भारत पाकिस्तान कन्नै अपने रिश्ते पर कोई चर्चा नेई करोग।
- 4 केन्द्रीय शासत प्रदेश जम्मू कश्मीर दे कुपवाड़ा जिले च घुसपैठ दी कोशश करा'रदे दऊ आतंकवादिएं गी सुरक्षा बलें मारी मकाया ऐ।
- 5 हरियाणा च विधानसभा चुनां सम्पन्न।

<><><><><><>

PM-Maharashtra

प्रधानमंत्री नरेन्द्र मोदी होरें अज्ज महाराष्ट्र दे वाशिम च आखेआ जे केन्द्र सरकार खानाबदोश जनजातिएं ते समुदायें दे विकास लेई वचने बज्झी दी ऐ। मोदी होरें आखेआ जे सरकार दा हर फैसला ते निति विकसित भारत गी समर्पित ऐ ते करसान इस नजरियै दा प्रमुख आधार ऐ। प्रधानमंत्री होरें राईबाई ते पशुपालन कन्नै सरबंधत कोई 23 जहार 3 सौ करोड़ रपे दी बक्ख-बक्ख पैहल दी शुरुआत करांदे होई इक कार्यक्रम च एह गल्ल आक्खी। उनें वाशिम दे पोहरादेवी च बंजारा समुदाय दी समृद्ध विरासत गी प्रदर्शित करने आले बंजारा विरासत संग्राहलय दा बी उद्घाटन कीता। इस 4 मंजिला संग्राहलय च 13 गैलरियां न जेहदे च अपने नेताएं ते आंदोलन दी तस्वीरें राएं बंजारा विरासत गी उजागर

करदी ऐ। उनें लोकें गी समुदाय दी संस्कृति ते परंपरा दे बारे च जानने लेई संग्राहलय दा दौरा लाने दी बी गुजारश कीती। इस दरान प्रधानमंत्री होरें महाराष्ट्र दे संत सेवालाल महाराज बंजारा टांडा समृद्धि अभियान दा बी जिक्र कीता, जेहदा मकसद खानाबदोश समुदायें दा विकास करना हा। मोदी होरें कोई 9 करोड़ 40 लख करसानें गी कोई 20 जहार करोड़ रपे दी प्रधानमंत्री किसान सम्मान निधि दी 18 मीं किशत जारी कीती। 90 लख करसानें गी राज्य दी नमो शेतकारी महा सम्मान योजना तैहत 1 जहार 900 करोड़ रपे शा मते बंडे गे। 7 जहार 900 20 करोड़ रपे दी 7 जहार 500 शा मती कृषि बुनियादी ढांचे सरबंधी निधि परियोजनाएं कन्नो कन्नी 1 जहार 300 करोड़ रपे दे संयुक्त कारोबार आले 9 जहार 200 करसान उत्पादक संगठनें गी बी समर्पित कीता गेआ। इस दरान सभा गी संबोधत करदे होई प्रधानमंत्री होरें आखेआ जे महाराष्ट्र च देश दी आर्थिक प्रगति दी अगुवाई करने दी अपार क्षमता ऐ ते इब्बी हकीकत बनी सकदा ऐ जिसलै गरीबें, करसानें, मंजूरें दलितें ते वंचितें दे सशक्तिकरण दा अभियान मजबूती कन्नै जारी रौहग।

<><><><><><><>

Vice President

उपराष्ट्रपति जगदीप धनखड़ होरें अज्ज आकखेआ जे पूर्वोत्तर क्षेत्र देश दा दिल ते आतमा न। नमीं दिल्ली च इक कार्यक्रम गी संबोधत करदे होई श्री धनखड़ होरें आखेआ जे पूर्वोत्तर नां छड़ा इक भौगोलिक क्षेत्र ऐ बलके संस्कृति, परमपरा ते कुदरती लैपे दा इक तींदी जागदी तस्वीर ऐ जेहड़ा जे भारत दी मूल भावना दर्शादा ऐ। उपराष्ट्रपति होरें इस क्षेत्र दे समृद्ध आध्यात्मिक ते कुदरती विरसे दा जिक्र कीता। उनें एहदी जिंदी जागदी संस्कृति, खास तौरा दा खान-पान ते इत्थूं दे लोकें दी ऊर्जा दी सराहना कीती। श्री धनखड़ होरें हाल च असमिया भाषा गी इक शास्त्रीय भाषा दी मानता दित्ते जाने दा बी जिक्र कीतरा। उनें आखेआ जे एह मानता इक सकारात्मकता गी अग्गे तोड़ी लेई जंदी ऐ। एह राष्ट्र दी सगोसार सांस्कृति विरसे ते विविधता दर्शादी ऐ। उपराष्ट्रपति होरें मीडिया

गी पूर्वोत्तर दे दूत बनने दी बी गुजारश कीती। डनै। म्थउयज्ञ क्थए। शजा
सैलसफे ते विकास च क्षेत्र दा संभावनाएं गी तलाशने दी बी अपील कीती।

<><><><><><>

EAM

विदेश मंत्री डॉ. एस.जयशंकर होरें गलाया ऐ जे भारत इस्लामाबाद च 15 ते 16
अक्तूबर गी शंघाई सैहयोग संगठन च पाकिस्तान कन्नै कुसै बी चाल्ली दी
गल्लबात नेई करोग। डा.जयशंकर होरें एह गल्ल अज्ज नमीं दिल्ली च
गवर्नेस दे आईसी केन्द्र राएं आयोजित कीते गेदे सरदार पटले लेक्चर च
मीडिया कन्नै गल्ल करदे होई आक्खी। उनें जोर पाया जे उंदे इस समारोह
चशिरकत बहु-पक्खी होग। उनें इब्बी आखेआ जे केइए ब'रें थमां बैठकां नेई
होने करी सार्क गठबंधन अगड़े नेई बधा'रदा ऐ।

<><><><><><>

Infiltration Bid

उत्तरी कश्मीर दे कुपवाड़ा जिले च सुरक्षाबलें अज्ज द'ऊं आतंकवादिएं गी
मारी मकांदे होई बन्ने पारा थमां घुसपैठ दी इक कोशश गी नाकाम बनाई
दित्ता ऐ। सोशल मीडिया दी इक पोस्ट च फौज दी चिनार कोर नै आखेआ ऐ
जे जिले दे गुगलधार इलाके च घुसपैठ दी कोशश बारै इक खूफिया जानकारी
थ्होने परैन्त भारती फौज ते जम्मू-कश्मीर पुलसै उत्थे सांझे तौर पर अभियान
चलाया। सोहगे जवानें इलाके च संदिग्ध नक्लोहरकत दिक्खी जेहदे परैन्त
टाक्करा शुरु होई गेआ ते सुरक्षाबलें दऊं आतंकवादिएं दा सफाया करी दित्ता
गेआ। टाक्करे आहली थाहरै थमां भारी मात्रा च थेआर ते गोली बरूद बरामद
कीता गेआ ऐ। ऊआं खीरी जानकारी थ्होने तगर सुरक्षाबलें दा अभियान
बरोबर जारी हा ते इलाके गी खंगालेआ जा करदा हा।

<><><><><><>

Ladakh

पशुपालन विभाग नै अज्ज लददाख च माल-बच्छें सरबंधी प्रबंधन गी बधाने लेई कारगिल दे 15 पैरा पशु चिकित्सकें ते इस कन्नै च माहिर ते माल-बच्छें दा ध्यान रखने आले दे दुए समूह गी हरी झंडी दस्सियै रवाना कीता। इस समूह गी जलंधर दे उत्तर क्षेत्रीय प्रदर्शन ते प्रशिक्षण केन्द्र राष्ट्रीय डेयरी विकास बोर्ड च 10 ध्याड़ें तोड़ी विशेष सिखलाई दित्ती जाग। इस सिखलाई दा मकसद प्रतिभागिएं गी अज्जै कल्लै दे कौशल, माल बच्छे दे स्वास्थ्य सरबंधी प्रबंधन कन्नै लैस करना ऐ। एह चिकित्सा कारगिल च माल-चौखरें सरबंधी उत्पादन च सुधार आननने ते जानवरें गी बेहतर स्वास्थ्य दिक्खभाल प्रदान करने च महत्वपूर्ण भूमका नभाग।

<><><><><><>

PM-Khadi India

प्रधानमंत्री नरेन्द्र मोदी होरें अज्ज खादी दी बिक्री दे नमें रिकार्ड बनने दी उपलब्धि करी सराहना कीती। इक सोशल मीडिया पोस्ट दे राएं उनें मुख्खें दे लोकें दा स्वदेशी बक्खी तेजिया कन्नै बधा'रदे रुझान बारे टिप्पणी कीती। खादी इंडिया नै रिकार्ड बिक्री हासल कीती ऐ ते नमीं दिल्ली दे खादी भवन च गांधी जयंति दे मौके उप्पर इक्कै दिन च गै खादी दी 2 करोड़ इक लक्ख 37 जहार रपे दी बिक्री होई ऐ।

<><><><><><>

Harayana

हरियाणा च 90 विधानसभा हल्कें उप्पर इक्कले गेड़ तैहत् मतदान होई गेआ। 3 बजे तोड़ी 49.13 प्रतिशत रिकार्ड कीता गेआ ते 5 बजे तोड़ी 61 फीसदी मतदान रिकार्ड कीता गेआ। मतदान बडलै 7 बजे शुरू होआ हा जेहड़ा जे संजा 6 बजे तोड़ी सम्पन्न होई गेआ। कोई 1 जहार 31 मेदवारें दे सियासी किस्मत दा

फैसला कोई 2 करोड़ 3 लख मतदाताएं करी दित्ता ऐ। राज्य च कुल कोई 20 जहार 632 मतदान केन्द्र खडेरे गेदे हे। राज्य दे मुख् चुनां अफसर पंकज अग्रवाल होरें आखेआ जे सुरक्षा दे निग्गर इंतजाम कीते गे हे जिय च वैबकास्टिंग सुविधा बीह ी जिस राएं पारदर्शी, आजादाना ते सुचारू ढंगै नैमतदान जकीनी कराया गेआ। प्रधानमंत्री नरेन्द्र मोदी होरें राज्य दे लोकें गी रिकार्ड गिनतरी च वोट पाने दी लोकतंत्र दे इस पर्व दा हिस्सा बनने दी बी अपील कीती ही। तोआई संजा 5 बजे अम्बाला च 61.26 फीसद मतदान रेआ, फतेहाबाद च 57.05 फीसद ते मेवात च 68.28 फीसद मतदान रिकार्ड कीता। गुरुग्राम च 49.97 फीसद, कुरुक्षेत्र च 65.55 फीसद, पंचकुला च 54.71 फीसद दर्ज कीता गेआ।

<><><><><><>

DRDO Defence

रक्षा अनुसंधान ते विकास संगठन डीआरडीओ नै जंदी 3 ते 4 अक्टूबर गी राजस्थान दे पोखरन च चौथी पीढ़ी दी भलेया उन्नत ते बड़ी घट्ट रेंज आली हवाई रक्षा प्रणाली दियां 3 आजमाईशां कामयाबी कन्नै पूरी कीतियां। एह आजमाईशां मता रफ्तार आले लक्ष्यें पर कीतियां गेइयां जेहदे राएं इस प्रणाली दी समर्थ खरी चाल्ली साबत होई। रक्षा मंत्री राजनाथ सिंह होरें इस उपलब्धि लेई डीआरडीओ, थेआरबंद बलें ते सरबंधत उद्योग गी मुबारकबाद दित्ती ऐ। भलेआं अज्जै-कल्लै दिएं तकनीकें कन्नै लैस एह नमीं मिसाईल प्रणाली थेआरबंद बलें गी मता सुरक्षत ते तकनीकी तौर पर मता सशक्त बनाग।

<><><><><><>

Pralhad-Germany

नमीं ते परतियै इस्तेमाल करने आली ऊर्जा मंत्री प्रहलाद जोशी होर कल थमां त्रऊं दिनें दी जर्मनी दी यात्रा उप्पर रवाना होंगन। इस यात्रा दरान तोशी होर

दऊं दिनें दी हेमबर्ग स्थिरता सम्मेलन च शामिल होंगन। ओह टिकाऊ विकास, हरित हायड्रोजन, घर लागत आले माली ते पूरी चाल्ली परतियै इस्तेमाल होने आली ऊर्जा मुल सरबन्धी श्रृंखला च सैह्योग गी बढ़ावा देने लेई जर्मनी ते बरतानिया दे मंत्रिएं ते होरने वरिष्ठ अधिकारिएं कन्नै दपक्खी गल्लबात बी करोग। इस यात्रा दा मकसद भारत जर्मनी सरबन्धे गी मजबूत करना ते बपार दे मौके पैदा करना ते आलमी सतह उप्पर परतियै इस्तेमाल होने आली ऊर्जा दे विस्तार गी बधाना ऐ।



Archey

एशियाई तीरंदाजी चैंपियनशिप च उभरदी भारतीय तीरंदाज वैष्णवी पवार होरें ताइपे शैहर च एशियाई युवा तीरंदाजी चैंपियनशिप 2024 च रिकार्ड अंडर-18 महिलां टीम वर्ग च चांदी दा तगमा जित्तेआ ऐ। वैष्णवी होरें हर इक रिकार्ड च त्रै मिंबरी भारतीय टीम लेई पैहला शार्ट लाया जिस च प्राणेराल थोलिया ते जन्नत बी शामिल हियां ते उनें स्थिति गी सांभेआ ते शार्ट-ऑफ च सैमीफाइनल च दक्खन कोरिया गी हराई दित्ता।



India Foreign Reserve

चीन, जापान ते स्विडजरलैंड दे कन्नै भारत 700 अरब अमरीकी डॉलरें दे विदेशी भंडार गी पार करने आली दुनिया दी चौथी अर्थबवस्था बनी गेआ ऐ। 27 सितम्बर गी खत्म होए दे हफते च भारत दा विदेशी मुद्रा भंडार 12 इशारिया 588 बिलियन डॉलर बधियै 704 इशारिया 885 बिलियन डॉलरें दे अजे तगर दे सब्बनें शा उच्चे स्तरै पर पुज्जी गेआ। 20 सितम्बर गी खत्म होए दे हफते च विदेशी मुद्रा भंडार 2.8 बिलियन डॉलर बधियै 692 इशारिया 3 बिलियन डॉलर होई गेआ हा। विदेशी मुद्रा भंडार च होए दे बाद्धे नै आलमी

सतह दिएं आर्थिक अनिश्चितताएं कन्नै निब्बड़ने दी भारत दी समर्थ गी मजबूत कीता ऐ ते अस्थिर अंतर्राष्ट्री बजारें दे सामने एहदी मुद्रा गी मती स्थिरता प्रदान कीती ऐ। अज्ज जारी आरबीआई दे ताजा आंकड़े मुजब भारत दा सुन्ने दा भंडार 2.184 अरब डॉलर बधियै 65.796 अरब डॉलर होई गेआ ऐ।

<><><><><><>

Israel

इजराइल दे हवाई हमलें च तुलकर्म दे पच्छमी हिस्सें च 18 लोकें दी मरने दी खबर ऐ। इस बारे फलस्तीन दे सेहत मंत्रालय नै पुष्टी कीती ऐ। फलस्तीन प्राधिकरण आस्सेआ चलाई जा'रदी खबर अजेंसी वाफा नै आखेआ जे तुलकर्म दे शरनार्थी कैप कश कैफे इसहमले दी लद च आई गेआ, जित्थें मते सारे शैहरी उत्थें मजूद हे। मकामी अधिकारी दे हवाले नै दस्सेआ जे इस हमले च केई परिवारें दे मते सारे न्याणें ते बुर्जुग लोक मारे गे न। संयुक्त राष्ट्र हक्क हकूक सरबंधी दपतर नै इस हमले दी निंदेआ कीती ऐ। इजराइल दी फौज नै आखेआ जे हवाई फौज ने तुलकर्म च शिनबेट सुरक्षा सेवा कन्नै रलियै अभियान शुरू करियै शैहर च हमास दे नेता ते होरने मुख् आतंकवादिएं गी मारी टकाया ऐ।

<><><><><><>